

庚申以歲數勲臣都督祿厚無兵事罷其馬匹草料

辛酉秦府保安王志垵薨年二十七謚悼順

壬戌行在戶部左侍郎王佐乞覈五軍各都司衛所太僕苑
馬寺馬數兵部議 文皇帝秘馬數不許人知宜仍軍民舊
牧從之

癸亥進士王弼李詢鄭悠侯臣宋雍為給事中

甲子琉球中山王入貢
命河南湖廣三司往覈鄧州均州內鄉光化等縣客戶入籍
以野僻贅聚不受徭賦也


乙丑初山東鄉試教諭朱經賂彌封官易卷訓導江振代答
策事覺巡按御史任敬布政司叅議杜子良按察副使杜時
僉事楊潤俱逮下獄

逮陝西西寧衛指揮僉事穆肅下獄肅索西番把沙族思俄
可馬不得誣以盜掠死思俄致叛

五月丙寅朔右春坊右庶子沈紱為行在大理寺右少卿仍直

文華殿

丁卯新編勅符簿遺寧周楚魯肅潘遠韓唐伊鄭襄荆懷梁
趙秦晉靖江二十二王仍各賜書以易世紀元更屬稱換年



號也

逮廣東按察使陳禮下刑部獄禮婪惰見劾

戊辰命山東按察使遣官分按遼寧東寧

朶兒只伯犯肅州新城營大殺掠

巡撫遼東右僉都御史李濬劾御史王濬給事中陳樞苛索

廩給散各衛易貂布巡按御史邵嵩章朶朋奸不舉俱徵下

刑部獄

己巳命寧夏等衛收放糧芻同布按二司佐貳官及主事

庚午肅州衛指揮使故麟為陝西行都司都指揮僉事同都

督王貴鎮守肅州兼署衛事

寧夏總兵官都督同知史昭稱老求子鑑代不許授鑑寧夏

衛指揮僉事侍昭

辛未巡按陝西監察御史曹翼為右僉都御史提調甘肅兵

備屯糧

壬申罷脩南京冰池冰窖俱內官監取給舊隸禮部

湖廣布政司檢校程富請增小吏俸養廉行在戶部言國初


有定例唯畿內文職及軍衛幕因缺米全折鈔宜與米一石

從之

國權

正統元年

十一



甲戌占城入貢

朵顏衛都指揮哈刺哈孫貢馬求使臣勅諭 上恐生事令來使賫勅

夜大星赤光出亢宿流至濁

乙亥增山東濟南府通判專督易州山場柴炭

命各駙丞遞運所大使任代至給由

丙子貴指揮僉事顧勇鎮守普定等衛 州都

丁丑起復山東按察副使王憲仍分巡遼東

減京寺番僧初番僧曰大慈法玉曰西天佛子曰大國師曰

禪師曰國師曰都綱曰刺麻俱光祿寺日饌又支廩餼 上

即位奉勅減六百九十一人至是慈恩隆善能仁寶慶四寺

減四百五十人

戊寅大同後衛指揮僉事潘興為署都指揮僉事統領神銃

勅准府長史宋濟審理鄭勗等啟王杖斃軍三人又招逃民

三千餘家種田皆遣法朕始宥罪遷善改過毋累王令德

夜金星抗于井宿


乙酉免行在吏部尚書郭璉軍籍

廣西布政使右叅議胡永成胡籍

國權

正統元年

十二



戊子、數騎犯寧夏石空寺堡殺百戶 弘

乙丑曉刺大星青白光後有三小星隨之行至游氣


庚寅占城使歸勅其王還暹羅貢使及我西洋軍二十餘人行在戶部右侍郎李新巡撫陝西怠事改宣大引疾見劾下臺獄謫廣東番禺知縣

壬辰監察御史傅誠毛宗魯邵嵩王濬胡正陳懋陶鏞削籍秦嶽邵宗章杲李縉降秩張璘盧琬張慶邵新致仕時行在都察院右都御史顧佐考察因勅佐御史有嘗犯贓罪及暴酷枉死人者悉降斥之他諸衙門官一聽堂上官考察有徇

私容隱御史立劾之

始設提調學校官湖廣布政使檢校程富建寧教授彭勗為監察御史富北京勗南京兩浙鹽運司同知胡軫為按察副使廣西鬱林知州劉虹虬監察御史薛瑄高超工部郎中高志吏部主事歐陽哲脩撰王鈺編脩彭疏檢討陳遜康振國子監學正莊觀皆為按察僉事虬湖廣瑄山東超福建志山西哲河南鈺江西疏廣東遜廣西振四川觀陝西各賜勅蓋少保兼戶部尚書黃福請之

癸巳直隸祁州知州余徽進瑞麥



乙未起復行在刑部郎中謝莊為陝西西安知府給駟赴任
是月百餘騎犯遼東撫順之三角山都指揮裴俊擊敗之
斬三級

廣東海陽縣大雨水

懷仁縣雨雹傷稼

六月丁酉裁天下郡縣吏

庚子申鎮守總兵官駙傅私給之禁

辛丑罷運茶支鹽例右僉都御史羅亨信言商人恃引私販
虧官課也

壬寅香河知縣曹銘為順天府通判仍署縣事銘秩滿邑人
詣闕乞留之

大興左衛帶俸署都指揮僉事李信為都指揮僉事同都督
李達鎮守洮州

乙巳作公生門于長安左右門外稍南

南京馬快船百艘至京命平留非奏勅不得擅應付
行在都察右都御史顧佐致仕賜勅鈔復其家


丙子江西右布政使陳智為行在左都察院右都御史

丁未百餘騎犯肅州臨水站

國權

正統元年

十四



山東備倭右軍都督僉事衛青卒

乙酉浙江黃岩縣颶風潮溢

庚戌遼東都指揮使劉青等轉餉松花江女直野人掠之戍清甘肅

辛亥瓜哇入貢

壬子行在署中軍都督僉事李福往山東提督備倭

禮部左侍郎吳廷用歸省父景亮年九十三

癸丑考察故監察御史陳懋被斥求叙用命追奪勅命

甲寅山西布政使左叅政王來乞容逃民隨處附籍免糧稅

一年係軍籍俟勾補從之


乙卯署都指揮僉事李謙總督赤城獨石等處守備召永寧

守備興安伯徐亨還京

設涼州九溪永定鎮海太倉等衛儒學

先是教官九年秩滿得貢士八人方陞至是行在吏部量減其數定教授得五人學正得三人教諭得二人訓導得一人從之

行在兵部右侍郎柴車請從在京降胡于江南尚書王驥謂如永樂例徙河間德州等處從之



己未裁南京主事二十餘員

增萬全都司各衛經歷同收支糧芻

辛酉給遼東官軍馬價中駟絹五匹布十五匹下駟絹二匹布十二匹

壬戌直隸保定知府周監秩滿部人留之加山東布政使左食正三品俸

閏六月丁卯定江南蘇州松江官田賦如民田每畝糧四斗一升至五斗以上減至二斗七升二斗一升以至四斗減作二斗斗以上至二斗減作斗有司具數送入戶部磨勘

考正孔廟及兩廡從祀名爵位次頒示天下從忠州訓導宋廣之言

嚴自宮之禁


戊辰致仕福建都指揮僉事胡雄言子興嘗割肝療臣目求旌其孝 上謂非恒道不允

己巳罷陝西續織駝氍初永樂中歲進五十匹陝西布政使右叅政年富奏言既造綾絹氍氍九百餘匹之多又加駝氍民困免之

壬申昏刻月犯氐宿

國權

正統元年



癸酉昏刻月犯鏡閉星

乙亥夜月犯南斗杓

戊寅兩宗文武官萬全大寧都司畿內各衛所官折俸半支

鈔半支胡椒蕪木

巡撫河南山西行在兵部右侍郎于謙言十事接濟邊儲文武

官犯贓赴宣大甘寧納贖優養軍士山西山東河南直隸班軍赴京分三班一赴京一守城一屯種減省

吏役清理軍伍查勘逃戶禁止攬納中納鹽糧取用監生辦

理刑名存恤孤老 上命部議

庚辰進士沈諲王用為吏部主事

直隸靜海縣蝗饑有司徵索如故 上聞之命撫按官分視

允被災處悉免其物料稅糧

壬午定陵祭百官皆淺色衣從朕如洪武永樂故事

行在右副都御史賈諒等薦舉推官吳宗知縣嚴敬魏忱馮

成縣丞王受序班劉甄等可御史 上重其任命理刑半歲

乃除授


順天蝗災命捕之

癸未秦州衛大雨雹山水溢漂官舍粟麥豈一萬八千餘石

布三千三百餘匹

國權 正統元年

七



丙戌下 六千餘騎犯肅州石關蓋池

丁亥太子太保成國公朱勇等以五軍各衛歲辦草一百七十萬今又加七十二萬宜量減 上然之毋過勞軍士

戊子行在吏科給事中儲懋改為行在翰林院脩撰

復楊節四川灌縣蚕崖關巡檢司巡檢閔當番夷孔道節任滿羗民奏留之

己丑起復山東左布政使劉中敷

庚寅故清遠侯王友孫鑑等求嗣爵不許授為羽林前衛指揮僉事

辛卯安南入貢遣偽國公阮叔惠表求封允之

甘肅都指揮僉事後能以冒功倖進都指揮同知賜金幣至是論奪

壬辰爪哇使臣財富入致滿榮奏本福建龍溪縣漁人洪茂仔被倭掠間走爪哇國今乞復業許之


癸巳古里蘓門荅刺錫蘭山柯枝方加異勒阿丹忽魯謨斯祖法免甘巴里真臘等貢使同爪哇使俱還國賜勅

選北京行太僕寺牡駒三千匹收于御馬監是月陝西西安驟雨水溢傷稼

國權

正統元年

六



七月甲午朔行在左軍都督同知蔣貴為右軍都督以征番功
貴州妖賊卓馬等攻各番長官司奪其印信官軍擊敗之斬
數百級

乙未行在工部左侍郎李庸督脩狼窩口蘆溝橋潰隄工役
二萬人


丙申武城左衛改獻陵衛右陵改景陵衛
河南武涉知縣何翕加懷慶府通判

庚子夜月犯房宿
癸卯遣視順天真定水災遼東高郵平定兗州等蝗

甲辰襄王瞻塏自長沙遷襄陽初王以長沙卑濕求徙亢爽
地遂改襄陽

丙午夜大星赤光自斗宿流至游氣後有一星隨之
丁未直隸河間知府姜濤為順天府尹

戊申前刑部尚書趙玘卒玘字雲翰河南夏縣人徙祥符入
太學洪武庚午授兵部職方司主事進天下屯戍圖進武庫
司員外郎浙江右叅政永樂初使交趾卻餽進刑部右侍郎
歷工禮二部至尚書丁酉改兵部尋憂去起復專塞外仁
宗初改刑部宣德庚戌致仕玘英偉多才善詩文雖久貴自



奉如寒素卒予祭葬

巳酉運河要免渡決

庚戌順天推官徐郁言四事曰南宋衍聖公孔端友扈蹕僑

蠻州宋儒周敦頤程顥程頤司馬光朱熹子孫宜復其家脩

祠墓曰增設社倉曰戶口食益緊收鈔曰罪人僉遞外餘項

止給引回籍 上從之

壬子夜大星如碗赤光燭地起自壘壁陣流至室宿

丁巳新野王瓊燁年五十二謚悼懷

巳未運絹十萬匹于宣府大同折官軍俸糧兩月

庚申脩獻陵

辛酉琉球日本入貢

是月臨洮縣霜傷稼彰德等處久雨

八月乙丑行在福建道監察御史張忠邢端故出人罪下獄

丙寅廣西按察僉事楊復為大理寺右少卿進士李賢為吏

部主事

命各處歲辦禽獸俱准鈔惟鹿與天鷲生致之


丁卯夜東西黑雲竟天

脩白河新隄

國權


正統元年

二十



戊辰行在戶部主事言陝西邊務四事曰陝西遠運甘州各
衛三千餘里車摧牛仆請自今運至蘭縣另軍轉涼州自涼
州轉各衛曰莊浪涼州各衛中益道遠召商不至請納蘭縣
每引米麥豈四斗于淮浙支益曰禁富室取息加倍曰獻俘
止首十餘戍江南 上從之
庚午河南布政使李昌祺言三事曰設村市社學曰禁約僧
尼曰廬陵祠宋丞相文天祥追賜謚 上納之
丁丑直隸滄州知州劉謹加河間府同知
命提學憲臣兼督民間裁種桑棗

平江伯陳佐卒
戊寅勅諭瓦剌順寧王脫懽
已卯行在戶部右侍郎王瀾巡撫浙江喪母命奔喪訖即任
庚辰折收南京江西布絹白金代當租稅免輓運之勞從右
副都御史周銓巡撫江西侍郎趙新之請 上又問禮部尚
書劉濬可行否對曰 太宗皇帝于陝西浙江行之故有是
命遠近稱使而廩積少矣
初追徵兩淮鹽課逋負七十餘萬引至巡撫侍郎曹弘言荒
旱不堪遂盡免流亡者



許順寧王脫權使臣市其私馬

壬午脩景陵

乙酉昏刻終夜大小星流百餘

丙戌夜大星青白光自昴宿流至近濁後有二小星隨之

丁亥給還故交趾布政司右叅議解縉家產

昏刻火星退犯壘壁陣

戊子山東德州知州常景先加濟南府同知

辛卯汰錦衣衛帶俸食糧官校令有小技者自食其技或為

諸王公主守莊墓者自食其力四夷降附老弱者悉就食南

京以省冗費

九月甲午監察御史軒輓等十七人清軍天下

漕運總兵各及巡撫入京會議軍民利便回停山西旱災夏

稅設清江提舉司造船用都指揮提督南京各衛屯租

是月滹沱河水溢

有僧自宮者特戍遼東

命錦衣衛取囚刑部者賜駕帖以防偽


乙未脩山東曲阜顏子廟

丙申夜大星青白光出自參宿流入狼星旁後二小星隨之

國權

正統元年

三



丁丑行在工部右侍郎黎澄為左侍郎
戊戌陝西邊地民犯罪者聽其納米麥豈以自贖
辛丑停陝西採買雜辦
夜大星赤火燭地自弧矢流至濁
癸卯行在刑部右侍郎何文淵行在戶部左侍郎王佐右副
都御史朱與言等同內臣提督兩淮長蘆兩浙鹽法
復徐善山東德平縣丞善先內艱去服闋邑人奏復之至是
又外艱服滿民又詣闕留之
甲辰作行在禮部印時尚書胡濙因失印自劾不問

監察御史楊翰督理浙江沿海軍儲
夜大星自井流至柳

乙巳作應天府社稷壇春秋祈報功京郡不置今太社太稷
北祭故特及之

安南國入貢
瓦刺順寧王脫懽使臣願受朝秩遂授阿都失都指揮僉事

皮兒馬黑麻指揮僉事


丁未免西寧衛土達稅糧

夜白虹貫日

國權

正統元年

三



戊申勅緣邊諸將謹備瓦剌時瓦剌敗阿魯台兵勢甚盛因
通兀良哈女直諸部

辛亥許安徽壽州萊豈抵租

未刺黑氣東西亘天廣二丈餘夾蒼白色

癸丑秦府永壽王志埴女弟選配行在右通政李錫子珍禮

部謂錫司喉舌不得連姻宗室從之遂更選

乙卯蘇州知府况鍾劾巡按浙江監察御史王璉越駟乘舟

需索下璉刑部獄

丁巳惜薪司供役定直隸之河間永平順德一年大名廣平

一年順天一年遞代

夜參宿狼星動搖

已未都知監太監洪保度家人為僧二十四人

庚申行在兵部右侍郎李郁行在通政司左通政李亨封黎

麟安南國王賜馳印金印重五鎰麟告廟司徒黎察等表賀

遂遣雄捷軍管領蔡士明同日知審刑院大夫阮日升謝貢

物李亨一作蔡


辛酉廣東按察使司陳禮急事又賤直市香百斤見劾逮下

獄削籍

國權

正統元年

孟





壬戌赤斤蒙古衛都指揮同知且旺夫加等言擊北脫懽帖木兒猛哥不花勝之進都指揮使陞秩共五十一人定山西大同總兵羅文巡東路陽和高山天城鎮四衛副屬之叅將陳斌巡西路大同左右雲川玉林朔川五衛屬之其北責成總兵官方政提督都指揮孫智是月大寧都司大雨水大無禾十月癸亥朔揚州蘇州常州大風海溢行在吏部主事李賢乞重建太學從之丙寅夜大星如碗赤光燭地自天圜流天苑後二小星隨之

禮部尚書兼華蓋殿大學士張瑛卒瑛字子玉直隸邢臺人洪武丙子貢士歷寧州武德衛宿遷縣訓導永樂戊子擢吏科給事中侍皇太孫句讀仁宗初進春坊中允尋進諭德改洗馬皇太孫即位進行在禮部右侍郎歷左侍郎兼華蓋殿大學士丁未進尚書調南吏甲京寅憂去起復之年六十二碌無建白予祭葬

戊辰進士湯昂齊整王鐸吳昇為給事中徐璟沈翼為監察御史

河南武安知縣馬忠加彰德府通判





辛未行在兵部尚書王驥言北阿魯台敗績降人非率所部及眷屬來歸者俱發江南衛所管東聽征調從之

甲戌作通州白河浮橋

丙子免江南松江今年旱災田租

脩湖廣江陵公安荆門等江隄

丁丑安徽泗州判官楊誠加同知

湖廣江陵知縣范理為德安知府

辛巳慶府岐山王秩煉薨年二十一謚悼莊

癸未沙州衛都督僉事因即來追護阿端貢使上嘉之進

都督同知

免直隸唐縣災租

丁亥左僉都御史張駿卒四州瀘州人永樂辛丑進士

戊子瓦剌順寧王脫懽入貢

甘肅左副總兵左都督任禮先後獲一百九十六人俘八

十人械入京

己丑五色雲麗日

庚寅命行在戶部左侍郎王佐同監察御史蕭啟措理長蘆

鹽務

國權

正統元年

二十六

辛卯太監阮安都督同知沈清少保工部尚書吳中役軍數

萬人脩建京師九門城樓

前南京兵部左侍郎甄儀卒

麟游人鄉貢士初授戶部主事歷任南樞正統初致仕歸里

十一月壬辰朔免兩浙運司逋課五萬七千引有奇

癸巳江西進賢知縣余耀加南昌府通判

設遷曰先朝意在惠民篤視守令不輕去其官既治行著

聞雖九載秩滿狗吏民之請輒加銜留任下至丞尉游徼

之賤亦曲從輿望朝懇夕俞朝野流洽真若家人父子然

有情必達有顓必伸三代不是過也正嘉以後勢隔情疎

徒憑保薦又實俸不踰五年京秩貴于三省于是傳舍郡

丙勳希汲引令府倅加于勞令州守進于半刺不曰右職縣

祇同沉錮所以吏治日窳而莫可問也

夜月犯牛宿中星


甲午衍聖公孔彥縉來朝

遣視陝西西安慶陽臨洮災傷

丙申陝西按察司副使金濂督運邊儲時督運官羅汝敬被

傷于

湖廣蠻賊阿達阿哈等伏誅



丁酉以冠浪莊勅大同總官兵都督方政甘肅副總兵都督任禮等嚴備

壬寅免畿內被災草束

甲辰麓川宣慰使思任發侵孟定彎甸大殺掠雲南總兵官黔國公沐晟以聞

夜月犯畢宿

乙巳脩臨漳縣漳溢二河隄岸

丙午都察院檢校葛崇大理寺評事俞本行人司副王復行人范霞李柰推官梁輯知縣吳復周乾州判官向侃以舉臺

秩送行在都察院讞獄

江南興化知縣李元學安徽鳳陽主簿董翰俱秩滿邑人乞各加俸二級仍任

丁未江南淮河清踰月禮部請賀不許


工部署右侍郎事知府張順為右侍郎

直隸定州知州張麓署高平縣事麓以高平縣丞進定州高

平人請闕請留任時高平已除令上以民望從之鎮原縣

丞李顯憂去亦以民乞復任麓丞高平曰行在工部尚書吳

中薦之已右都御史陳智等言麓在高平賍私狼籍及知定



州畏其繁劇自為高平人作奏留縣貪恣貪黷乞正吳中濫
舉之罪 上宥中

監察御史章聰督延安綏德邊備

戊申免山東濟南災租一萬九千石有奇

都察院右都御史陳智以御史李聰錄囚駁于大理寺怒責

答御史張勗四十于是給事中謂失憲體 上不問

己酉命在京官軍俸糧于通州倉支給

庚戌令逃民即占籍客土毋游食不賦

辛酉湖南蘄州知州李信圭署清河縣事信圭令清河薦授

蘄州清河人奉留之

壬子巡撫陝西為事官羅汝敬言轉餉莊浪衛之紅城子被

掠毋再困民 上悉蠲之

甲寅夜月犯角宿


乙卯命三品上官京各舉可御史者一人四品官及國子監

翰林院堂上官部屬科道官舉可知縣者一人吏部察用之

復陝西巡撫為事官羅汝敬行在工部右侍郎仍理前事

湖南新鄉知縣諸賢憂去邑人乞留復之

免湖南長沙宣德十年災租五萬二千七百石有奇



辛酉巡撫遼東行在左僉都御史李濬為左副都御史仍理

前事

復直隸遵化縣鈇冶

十二月壬戌朔免江南淮安戶口鹽鈔

甲子行在中軍右都督高文卒是月縣谷伯謚壯靖

夜火星犯天江星

丙寅行在光祿寺少卿李珍為行在右通政往理南京諸衛

官俸

丁卯夜大星如杯赤光出折威至天市西垣後三小星隨之

戊辰前軍署都督僉事都指揮僉事楊福卒

庚午都指揮僉事楊洪副署都督僉事李謙守備赤城

甲戌各邊總兵官不得遣人內地催徵芻粟

乙亥給金牌信符送歸老嫗等處頭目

丁丑故和寧王所部阿台王子及朵兒只伯數寇邊下兵部

會廷臣議五日不上奏上曰謂朕冲人耶執兵部尚書王

驥右侍郎鄺埜下獄遂尋御史給事中各杖二十奪俸三月


戊寅起復山東濱州知州梁昭

己卯勅都督蔣貴寧夏總兵官都督同知史昭大同總兵官

國權

正統元年

辛



都督同知方政等出兵勦

壬午曉刻月犯亢宿

癸未勅甘肅左副總兵都督任禮以騎一千卒二千從蔣貴

勦賊

乙酉命河南罪人納米于蘭縣贖罪

廣西賊蒙冉萬等悉平

庚寅發回先後丸刺使臣

行在吏部主事李賢言京師韃官不下萬餘較畿民三之一
月俸亦較朝官三之一而寶支之數或全或半又且倍蓰以

有限資無窮欲百姓富倉廩不可得也近者荒旱連年五

穀不登天下米粟歲入數百萬軍民涉寒暑冒風霜然後一

夫得以數斛至京師中途衣食不贍至難救死有司曾莫惜

督責益嚴奪赤子豢降胡又困餽運之卒而馳其力仁人君


子寧不痛心夫夷狄人安獸心荒忽無常來降不絕非誠悅

服慕中國利也彼其在胡未有不種而食自致而衣者今在


中國則不勞而坐享之是故其來不絕者中國誘之也誘而



愈來無益之費尚不足惜前代五胡之鑒殆有甚焉近者邊

塵數警臣私嘗恐懼不能安寢乞勅兵部漸次調除韃官于







天下都司衛所減殺其俸祿實所以分彼勢而銷未萌也
 上是之議行不果
 是年增鑄鉄蒺藜給開平赤城分布要害游擊將軍楊俊謂
 邊用利之行在兵部言洪武永樂間諸司衛所各有雜造局
 造械其料出于軍民今動請之武庫非置局初意也于是南
 京等郡以贖銀給造不足則軍鈔戶食鹽稅鈔給之
 夫計以贖銀至京朝東
 榮不登天不來東海
 齊州無德
 國家圖書館, NATIONAL CENTRAL LIBRARY, TAIWAN, R.O.C.






國家圖書館, NATIONAL CENTRAL LIBRARY, TAIWAN, R.O.C.





國家圖書館, NATIONAL CENTRAL LIBRARY, TAIWAN, R.O.C.



Inches 1 2 3 4 5 6 7 8
Centimetres 1 2 3 4 5 6 7 8 9 10 11 12 13 14 15 16 17 18 19 20



TIFFEN Color Control Patches

© The Tiffen Company, 2007

Blue	Cyan	Green	Yellow	Red	Magenta	White	3/Color	Black
[Blue patch]	[Cyan patch]	[Green patch]	[Yellow patch]	[Red patch]	[Magenta patch]	[White patch]	[3/Color patch]	[Black patch]

3393399 v.16

國家圖書館, NATIONAL CENTRAL LIBRARY, TAIWAN, R.O.C.





國權

正統六年辛酉

正月己亥朔日如不食行在禮賀部請賀不許

丙午夜有大星青白光燭地出自張宿流至近濁沒有一小

星隨之


庚戌 上南郊

壬子行在右僉都御史王翱鎮守陝西盧睿叅贊寧夏軍務


代陳鎰金濂歲一更時鎰濂久鎮

國權

正統六年



國家圖書館, NATIONAL CENTRAL LIBRARY, TAIWAN, R.O.C.



惠安伯張昇卒昇太皇太后弟也國初累官羽林衛指揮

僉事宣宗為皇太孫昇嘗隨侍甚恭生平循理奉法沒戒

子孫諄切士林多之

夜月犯軒轅大星

右軍都督同知徐甫卒甫安徽鳳陽縣人襲大興左衛指揮


癸丑召都督僉事劉聚還京

增外衛知事

行在刑部右侍郎何文淵言麓川之在南陲彈丸耳疆里不
過數百人民不滿萬餘大軍易克然得其地不可居得其民

不可使宜寬其天討興我羽旄之舞官軍于金齒且耕且守
仍遣官宣諭俾感虞舜之敷德同有苗之格心計不勞征伐
而稽首來王矣事下廷議太師英國公張輔等謂思任發世
職六十餘年屢抗王師釋此不誅恐木邦車里八百緬甸等
夷覘視窺覷示弱小夷非策乞選定西伯蔣貴都督李安劉
聚都指揮官聚再保或為總兵官及左右副將分統南京湖
廣四川貴州官土軍人仍命戶部左侍郎徐晞往來巡督先
遣諭禍福或詣軍門納款又諭木邦車里八百緬甸大侯等
起兵協力剋期並進上從之

國權 正統六年




定西伯蔣貴為平蠻將軍總兵官都督同知李安為左副總
兵都督僉事劉聚為右副總兵都指使揮宮聚都指揮僉事
再保充左右叅將行在兵部尚書兼大理寺卿王驥總督軍
務率兵討麓川思任發蔣貴王驥先赴雲南會計軍餉李安
宮聚領四川貴州兵劉聚再保等領南京湖廣兵
王世貞曰李文達有經世才其所持論麓川事甚正但公
生當其時而所記有不能無牴牾者謂麓川初叛沐晟尚
在彼時遣人宣布朝廷恩威赦其罪撫安之未必不從遂
輕動舉兵而另遣將以致王師失利此大悞也按正統二

年十月雲南南甸州知州刀貢罕等奏麓川宣慰思任發
侵奪其羅十思莊等二百七十八村乞遣官賫金牌信符
諭還所侵地詔沐晟處置以聞自是思任發不奉詔因發
兵侵噬不已而討捕之命下矣然每歲未嘗不撫諭也後
遣沐晟為大將總兵而都督方政等為副攻敵 遂北渡
潞江遇伏敗沒晟引兵還上疏請罪逾月暴卒人以晟為
服毒今云不委城而另遣將以致王師何也失利又云麓
川不如中國一大縣縱得其地于人何利益而軍需所費
萬不可計兵連禍結以有今日此又大謬也 高皇帝

國權 正統六年

三




命潁川侯以三十萬衆下雲南大理而文皇帝復命新城侯以八十萬衆下交趾以故諸土夷環雲貴二廣以十百計咸惕息而不敢動迨宣德初柳升王通再敗黎利而捐交趾益之中國自是輕矣麓川之所以騫肆為棄交趾也若再敗于麓川而竟不誅則土官之弱者不二十年而為強者有矣強者不誅而益強則中國之在西南者亦非我有矣其所以失在中國之政不脩而驥等之用盡兵未盡善也不然潁川新城之大興甚于麓川者倍矣而何以不為天下累也

丁巳寧世子磐煇薨世子孝友仁厚有淵騫之風謚惠莊
戊午行在金吾左衛帶俸都指揮同知方瑛王斌等都指揮
僉事徐定署都指揮僉事李信黃讓皆戰將從征麓川

建州左衛指揮使董山為都督僉事

行在翰林院侍講劉球上言周伐崇不克即脩德待降至獵
狃則城朔方備之漢征南越不利即罷兵至匈奴雖和親猶
募民入粟備邊蓋釋小敵防大患也今麓川殘寇僻居南徼
滅之不為武釋之不為怯李何復議大舉欲屯十二萬兵于
雲南以急其降夷性不可驟馴地險不可用衆客兵不可久




淹皆兵法所忌臣謂宜緩其誅如周漢之于崇越也若北
猶古獵狁匈奴世為邊患今雖少抑然步曲尚強戎馬尚衆
今欲移甘肅守將以事南征恐邊人以此下為不足慮遂弛
其防卒然有警或致失措臣謂宜防其患如周漢之于獵狁
匈奴也伏望 皇上罷大舉之議分屯金齒且耕且練乘間
進攻寇可自服至于西北邊謹烽堠脩城堡選將練卒豐餉
備械庶几無患 上不聽
已未吏部考功司主事夏瑜為負外郎
庚申復况鍾蘇州知府食正三品俸鍾敦本抑訟務淳閩有

隱士杜瓊鄒亮薦于朝力辭不上鍾甚禮重之秩滿當遷郡
人乞留

劉鳳曰國家故事守令皆得自言事故往者若姚守善况
守鍾其德入人德固亡論而干旄之風至今詠之所薦達
者亦甚衆若今雖未嘗禁之而不敢言上者以畏部使者
欲白又恐卻遂顧望用為俗矣

壬戌梁王瞻均薨王資度英偉好學不倦年三十七子國除
謚曰莊

徐學謨曰安陸故郢地鍾祥松林之山隱之隆之盤礴鬱



葱磨柱洪流龍翔鳳翥故興王地也乃郢封六年而絕梁
封十年而絕正德末始啟 肅皇帝入繼大統豈地靈至
是方驗耶

復傳善 灤城知縣雷震主簿俱進俸一級

甲子瓦剌使者辭歸賜可汗書又賜太師淮王也先書俱厚
賚之淮王太師者首大號也是時衆皆服屬也先脫
不花其可汗名而已顧下妻也先姊主臣並使貢我亦兩勅
答之賞賜繒綵帽纓珠寶靴刀琵琶火撥思之屬不可勝計
及其妻子部屬皆有等差針線脂粉絲絨皆具

省大同內地守整官軍行糧


遣視建平衛沅辰柳長沙重慶旱災

乙丑諭都察院遣御史二人禁約南征軍

丁卯江西饒州推官為行在山西道監察御史

二月戊辰朔陝西按察副使陳斌協贊延安綏德軍務
壬申裁行在光祿寺四署署正署丞監事十六人裁河南布
政司及衛輝懷慶彰德河南等撫民官

甲戌勅戶部左侍郎徐晞右僉都御史丁璿分督轉運南餉
山東都指揮僉事張安從征麓川引疾錮之



乙亥行在兵部左侍郎清理貼黃鄭辰還部

鎮守延安綏德都指揮使王禎為右軍都督僉事

夜月犯井宿

戊寅命布絹折大同軍餉兩月

給雲南木邦緬甸車里八百大甸威遠大侯施甸各長官司

信符金牌各一將合討麓川也

巳卯右都督僉事羅文萃

軍

復韓福為鞏知府食從三品俸復王弼為高陽知縣食從六

品俸

山東昌邑人王坦復請膠州河故道通海運報寢

夜月犯上將星

壬午轉粟二十萬石于金齒

癸未行在山西道監察御史房威讞獄失人謫涑水知縣

發官廩三十五萬石于杭州平糶

甲申 右監丞曹吉祥鎮守雲南

丁亥少保禮部尚書兼武英殿大學士楊溥者墓中使護行


嘔罕河衛都指揮同知乃勝貢馬求陞進都督僉事

復齊翼安徽太和主簿食從八品俸

國權

正統六年

七



庚寅金吾右衛帶俸指揮使蔣斌薦授署都指揮僉事

監察御史韋廣服闋入京言臣事西慶遠人自永樂二十年
宜山思恩忻城徭獍黃公檀韋萬廣等入寇鎮遠侯顧興祖
兵往皆遁兵退仍入寇後都督山雲進勦斬獲亡筭忻城殘
賊委土人莫賢撫服唯宜山之莫往清潭等村思恩之川
山廣南等里猶朝降夕叛積毒軍民乞勅總兵官柳溥發兵
搗穴置長官司其以撫其餘 上嘉納之
浙江左布政使黃澤以撻益運司丁鎡又擅斂部民三千金
償官物命削籍

壬辰起復貴州按察僉事屈伸

免開封彰德大同順天保定大名河間鳳陽鎮江米麥木棉
有差

乙未起復山東按察副使王憲

三月戊戌朔廣宣府大同屯田裁冗費


庚子下行在兵部左侍郎于謙獄謙初舉參政王來孫原貞

自代被劾至是來朝復被劾

戊申戶部右侍郎王瀾致仕

己酉賑中都皇陵等衛飢

國權 正統六年



辛亥行在刑部右侍郎張鳳改戶部

太師英國公張輔及府部奉命選都指揮紀廣等四十四人

上命讀武經百將傳講略練武特試而用之

壬子行在大理寺少卿李昉考察官吏有私削籍

癸丑書止淮王瞻墀入朝

署遼東都司都督同知王真卒真安徽盱眙人本定遼前衛

指揮使在邊三十餘年廉勤果決士卒信之

乙卯免陝西累年監課

戊午翰林院侍講學士曾鶴齡卒

乙未都督梁成署都督僉事許瑛提督官軍牧馬

行在副都御史陳鑑回院

庚申起復順天宛平知縣馬俊

賑淮安鳳陽揚州滁州和餘杭紹興飢民

南京大風折孝陵樹覆壓五十餘人


癸亥起復浙江金華知縣余寬

甲子召復行在翰林院編修江淵賴世隆檢討李紹何瑄為

俱剩員需命

四月戊辰書止荆王瞻垞來朝

國權 正統六年



己巳禁僧道私創寺觀先是巡撫直隸御史彭勗疏其敝

禮部右侍郎陳璉致仕

庚午巡撫南畿行在工部右侍郎周忱兼領浙江嘉興湖州

稅糧從民望也

壬申李遠服闋復行在通政使

甲戌花朝節始賜文武百官宴

乙亥命行在戶部右侍郎陳瑞通政使右叅議王錫大理寺

右少卿顧惟敬寺丞仰瞻光祿寺少卿王賢分往順天保定

真定河間順德廣平大名淮安鳳陽捕蝗

丁丑賑望江縣飢

巳卯以去冬至今少雨雪屢大風蝗生遣告于天地社稷山

川諸神

壬午命歷事監生有携家者給月粟一石

癸未行在右僉都御史金濂回院時盧虞代往寧夏

勅廣義伯吳玘還定州統領流胡


戊子遣山西布政使左叅政王來下獄巡按御史曹泰劾其

徵糧酷急也

庚寅復命監察御史分巡陝西邊衛

國權 正統六年

十



壬辰復荆瑜安徽寧國府照磨食從八品俸

甲午故奉化伯滕定子福襲 衛指揮使

勅法司遣官分錄天下疑獄于是監察御史張驥李廷芳姜

永刑部郎中林厚周得琳彭謙方彰刑部員外郎蕭惟楨主

事竺淵大理寺正李從智評事王亮馬豫推擇往賜勅以行

五月戊戌瓦剌大師也先等貢馬

故中軍都督僉事胡榮卒妻陳氏自經贈淑人

廣西都指揮僉事史雄馬文等勦潯州盜濫殺四百八十餘
人被勅 上命巡按御史逮訊并責總兵官柳溥泰將田真

辛丑復李祥扶溝典史楊青尉氏典史俱秩滿食從九品俸

壬寅復京衛武學教授一訓道六

戊申給行在禮部侍郎兼翰林侍讀侍講學士王直王英

誥封贈祖父故事文臣例滿九年至是至芳三年乞恩


行在鴻臚寺卿費庠卒

雲南總兵官都督同知沐昂言先遣都指揮僉事李福以八

千人攻麓川破寨十二斬百五十級今瘴盛俟秋往從之

已酉廣東按察僉事彭疏上五事曰崇節義以勵俗脩古今

忠士烈士孝子節婦坟墓曰重士祿以養廉曰舉祀典以勸



忠請于崖山立陸秀天之廟日均益以實邊廣東瓊州新安
等場積益無商販請聽軍民每益一引納米五斗作為戶口
食益日儲載籍以養士人請刻行兩漢史記諸書令士誦習
上從之

庚戌勅鎮遠侯顧興祖安鄉伯張安都督同知王成通政司
右叅議張隆鎮守密雲都指揮陳亨鎮守居庸關署都指揮
僉事李璟鎮守通州都指揮劉斌大寧都指揮張銳等督軍
民捕蝗
起復浙江杭州知府陳復

修山東兗州復聖公廟

金星晝見

壬子遣視山東武城及直隸靜海縣蝗

甲寅行在刑部右侍郎何文淵大理寺卿王文審在京刑獄
巡撫南畿刑部右侍郎周忱行在刑科都給事中郭瑾行在
審南京刑獄


命朝貢番僧止宿會同館毋擅入各寺大國師班丹劄失阿
木萬各館夫十人刺麻館夫二人著為令


巡按河南山西行在兵部左侍郎于謙釋獄降行在大理寺

國權

正統六年

十二





左少卿宥鎮守偏頭關左鄉督李謙罪先貪暴論死
乙卯徙廣西南丹衛于賓州奉議衛于平南縣向武千戶所
于貴縣俱避瘴也

庚申增行在刑部主事十三人

賑武昌長沙德安常德漢陽荆衡沅辰岳柳沔陽飢免麗水
寧德等銀冶

安徽泗州大雨水溢高丈餘漂廬舍官民俱走盱眙山

六月丁卯免江南淮安災租十八萬一千二百二十餘石

辛未夜大星青白光自天江流尾宿有一小星隨之

乙亥脩南京太廟社稷壇殿

行在大理寺少卿程富為行在右僉都御史叅贊甘肅軍務
代曹翼時尚書柴車當代疾甚

丙子曲靖衛鎮撫丁顯為指揮僉事以王驥薦

已卯占城國王舌巴的賴卒其孫摩訶賁該入貢

辛巳免江南徐州豐縣沛縣災租二萬二千四百餘石

壬午大寧都指揮僉事張銳為貴州都指揮同知貴州布政
司右叅議李睿為按察司副使俱保薦

時水旱蝗蝻科道交劾行在吏部尚書郭璉少保工部尚書

國權

正統六年

十三


吳中左副都御史李濬少僕寺少卿崔奎右通政李錫國子
祭酒貝泰中軍左都督陳懷右軍左都督蕭授俱老疾工部
左侍郎李庸新建伯李王後軍左都督沈清中軍都督同知
王貴俱貪婪吏部右侍郎洪璵戶部右侍郎陳瑞右僉都御
史程富俱不端通政使李暹敷奏粗俚太常寺少卿蔣守約
寺丞王一君戴慶祖俱不潔順天府尹姜濤失撫字國子司
業趙琬性刻乞罷璉等弭災 上宥之行在後府太子太保
成國公朱勇吏部尚書郭璉等各上章引咎俱不問
請天心選擇大臣考察在外官吏 上亦罷之

丙戌行在國子監祭酒金華貝泰致仕

丁亥蠲河間壽光臨淄災租

戊子行在都察院右都御史陳智行在工部左侍郎李庸通
饋被劾下獄免削其籍

己丑勅斥蒙古衛都督僉事且旺失加都指揮僉事草古
者可免郎等近使者至哈密爾與沙州衛護行爾獨不奉命
草古者又時率其屬往來沙州為盜暴若行旅甚負朝廷所
以建衛設官封殖爾等之意其改圖毋忽
行在大理寺卿王文為行在都察右都御史



改福建各衛所倉隸郡縣

免安徽全椒來安災租一千三百十餘石

夜大星青白色出自尾流至房宿後有七小星隨之

庚寅勅廷臣脩省日問者畿內旱蝗朕心警惕有言大臣所致朕明下其章俾之脩省而言官指摘過當朕慮溷清悉置不問乃犯者不悔過言者猶忿攻今最甚者皆已罷斥爾大小諸臣宜益勵厥心洗改焉

行在兵部尚書柴車卒車字叔輿浙江錢塘人建文已卯貢士授兵部武選司主事轉負外郎從北征遷江西右叅議尋

遷職方郎中守岳州三年仍職方宣德中拜右侍郎轉左叅

贊陝西甘肅軍務敢任勞怨諸將冒功賞一切裁之同官燕會無所預上嘉其誠屢賜金綺秩滿進尚書至是當出鎮

阻疾歷官四十餘年操履清慎中外稱之賜祭塋官歸其喪

夜月犯畢宿

辛卯封晉府鍾鐸徐溝王

壬辰晉王美圭薨王和厚易直年四十三謚曰憲


七月乙未朔監察御史周軌陸瓛章珪成規朱洙以考察削籍

丁酉復顧冕江西清江縣丞

國權

正統六年

十五



行在吏部右侍郎洪璵被劾下獄尋以事曖昧釋之

彰德衛輝開封南陽懷慶太原濟南東昌青州兗州登州萊州遼東東勝興州前屯二衛蝗命捕之

己亥勅雲南威遠州土官知州刀蓋罕爾母子躬擐甲胄斬麓川頭目刀派罕逐賊過江斬數百級深足嘉尚特進爾為奉政大夫脩正庶尹封爾母為太宜人賜銀帶綵幣

設遷曰當時荒裔稍效尺寸旌綸亟下不俟專閫之彙叙替也以此勸功企踵恐後矣

減山西大同屯租之半

庚子脩玉牒

壬寅定武學規制

甲辰夜大星赤光自天梧流天弁

丙午詔禮科給事中舒燿行人吳惠封占城國王摩訶賁諶增順天解額二十人共百人

命州縣不及三里祭文廟第行釋菜禮過三里祭如制從石泉教諭黃士文之言


丁未大理寺少卿顧惟敬復捕河間順德等蝗

己酉行在翰林院侍講學士陳循翰林院侍講陳周主試應

國權

正統六年

十六



天府

董卜韓胡宣慰使克羅俄監祭馬貢趨保縣雜谷瓦及谷數
人阻之勅四川三司開諭毋失遠人向化之心
辛亥戒宣府總兵官都督譚廣等造神銃火槍神箭其秘之
毋再

壬子張琮嗣惠安伯 張昇之孫

陝西苑馬寺卿楊應春致仕

甲寅進順寧王土知府猛蓋勛大中大夫資治尹賜金帶綵
幣旌從討麓川之功

乙卯羅鵠丁澄蔡愈濟丁瑄為行在監察御史

己未免寧陵縣孔氏子孫徭役

壬戌裁湖廣德安撫民通判

八月乙丑朔遣視真定平陽旱災

庚午新建伯李玉求世爵不許

賑江南武進江陰無錫宜興及安徽桐城縣饑

辛未翰林院學錢習禮編修薩琦主試順天


新建伯李玉卒玉直隸交河人追封新建侯

癸酉遼東都司經歷黃玟為遼東苑馬寺少卿兼署行太僕

國權

正統六年

十七



寺事

裁遠海煎鹽提舉司令遠東都司兼攝鹽課

甲戌賑江南蘇州饑

丁丑罷收南京上新河舡鈔

上御奉天門諭行在都察院曰朝廷優士至矣將領不恤輒私役為工匠月日亡休沿邊軍屯操稍暇邊將亦輒令捕野味治新炭勾至補伍者所隸官盡索其携何怪不貧窘逃竄也自今犯者與法司執之

已卯行在刑部侍郎林厚言臣讞獄四川七月戊戌卿雲見

昂胃間繪其圖以上

庚辰直隸真定縣雨雹傷稼

辛巳行在工部都水司主事錢源在刑部五年勤慎及調工部未五月右侍郎邵旻察處之詐枉得實復源下旻獄

壬午行在工部郎中王佑署部事

乙酉禮部右侍郎吳紳卒紳開化人永樂甲申進士選庶吉

士授刑部主事多平反進郎中超拜禮部右侍郎尚書呂震


擠之出廣東右叅政尋復部改南京考察兩廣福建官雖故

人不私性率直于世味泊如也

國權

正統六年

六



丙戌行在大理寺左少卿于謙仍巡撫河南山西

丁亥山東左布政使王菴為行在工部右侍郎

戊子劉鉉疾愈復行在翰林院侍講

辛卯行人虞禎學錄周道為行在陝西雲南道御史

思任發糾眾三萬至大侯州欲攻景東威遠行在兵部郎中

侯璉同都指揮馬讓盧鉞等擊敗之斬三百五十二級

勅勞之

九月甲午朔奉天華蓋謹身三殿乾清坤寧二宮成

壬寅封周府子墜通許王子墜原武王子墜鄆陵王子墜河

陰王堰子項城王

癸卯賑南京饑

乙巳周叙服滿補行在翰林院侍讀

遣視淮揚濟南臨清水災

貴州福祿永從蠻夷長官司改永從縣置流官

土官李瑛久絕

庚戌山東司右叅議孫子良秩滿為左叅政

癸丑召河南按察使包德懷山東按察僉事薛瑄乘駟入京


保薦四人惟徵二人

丙辰江南華亭上海旱命量輸布代租

國權

正統六年

九



丁巳復邛陵江西萍鄉知縣
十一月乙丑陝西行都指揮僉事王敬為右叅將鎮守甘肅
戊辰復王昇江西撫州知府食從三品俸
己巳復陳本深江西吉安知府食正三品俸本深浙江鄞縣
人歷政寬簡御史程富掠其治盜功得遷本深竟不言吉安
人留本深十八年決訟不待詞嘗榻前口理其曲直士人有
佳慶為本深置酒輒往歸携其果餌啣市小兒久之辭前民
民有女及笄本深嘆曰是女吾見其舉今女已字尚可留投
牒告老人更思之

癸酉總督雲軍務兵部尚書兼大理寺卿王驥言雲南按南
察僉事徐觀大理知府賈銓楚雄知府馮洵善餽運宜陞行
在吏部以請 上曰觀等誠有勞如諸將未叙何論功不宜
遽先也尚書郭璉等謝不及
行在禮部右侍郎王士嘉致仕


丙子王驥分大兵東路右叅將冉保自緬甸趨孟定會木邦
車里之師驥同總兵官蔣貴中路至騰衝會保俾思任發腹
背受敵

丁丑械行在戶部尚書劉中敷侍郎吳璽陳瑞于長安門以

國權

正統六年

二十



京城草乏御用牛馬欲分牧民間言官劾其紊制下之獄論
死命械之

巡視通州倉儲行在戶部左侍郎王佐署部事

覆視山西平陽旱災

辛巳賑江南徐州豐縣饑民

癸未預備陝西邊儲

南京守備豐城侯李賢太監劉寧提督脩築江岸

夜大星青白光燭地自弧矢流至游氣後有二小星隨之

甲申瓦剌脫不花王貢馬二千五百三十七匹

乙酉吏部右侍郎趙新改禮部

十大同總兵官武進伯朱冕聞警率四千八百餘人出龍門伯

顏山等處探

丙戌曉刻月犯靈臺上星

丁亥左叅將都督僉事黃直等巡邊至伯顏山值百餘騎

敗之明日至閔安山值兀良哈三百餘騎遠都指揮朱文弘

廣等兵牽入擊敗之


己丑叙殿功封都督同知沈清修武伯世祿千石少保工部


尚書吳中進少師太僕寺少卿馮春楊青為工部左侍郎各

國權

正統六年

主





賜鈔幣太監阮安僧保各金五十銀百之幣八鈔一萬貫

命行在戶部檄山東叅政洪豫僉事蕭啟專撫安人民

庚寅悉蠲畿內被災田租

壬辰行在通政司左叅議朱孔陽為順天府丞仍供奉內府

癸巳省劉中敏數等

設遷日劉司徒等議寄牧忤旨未有深讐罰同重典其故

何與王振竊權則箝劫大臣以張其畿奸萌于是著矣

十一月甲午朔上御奉天新殿大赦天下罷稱北京行在冠

南京于南京府都部司寺院局悉改其印

設遷日是年八月丁丑浙江寧波知府鄭恪請定都京師

去南京宗伯胡濙寢其說無如何詔如之議蓋自恪始也

減浙江金華台州歲造兵器

王驥蔣貴以二萬衆自中路至上江

乙未上復御殿受歷

監察御史計珩犯贓削籍

丙申廷臣表賀

戊戌大兵渡江賊伏四起奮擊斬千餘級賊遁入寨圍之

壬寅內官曹吉祥蕭保副總兵劉聚左叅將宮聚自下江夾

象石合攻明日因風焚其柵柵大破之拔上江寨賊千餘猶
迎敵我長戈蹴之賊將刀放戛父子俱沒刀招漢閭家自焚
生擒刀門項先後斬五萬餘級上江平

癸卯總兵官都督譚廣永寧伯仍鎮守宣府遼東備邊都
指揮同知焦禮施聚為都指揮使

丙午福餘衛夷脫火赤完哈假射獵屢犯邊至是擒磔于市
已酉嚴禁邊夷擅入界碑

昏刻月犯畢宿 是月刑部右侍郎何文淵予告
丙子昏刻大星如碗青白光照地出自天苑流至濁

癸丑免河南山東南畿等灾租四十四萬三千四百餘石
丙辰命副總兵官都督僉事吳亮駐湖廣往來貴州為備

庚申翰林院庶吉士黃以春為中書舍人仍譯書
閏十一月甲子朔四川右布政使李敷為吏部左侍郎


丁卯免徽州府灾租四萬五千九十餘石是京城安定門火
王驥命大兵由夾象石渡下江通高黎共山道至騰衝留左

副總兵都督同知李安成之王驥等取道南甸至羅卜思庄
令指揮江洪等以八千人抵木籠山思任發乘險以二萬眾

列七營相救左叅將宮聚右副總兵劉聚分攻之不下驥貴

國權 正統六年

三



同奉御蕭保自中路進左右夾攻敗之斬數百餘級乘勝至馬鞍山麓川大震

戊辰夜大星赤火自軫宿流至庫樓

己巳故翰林院待制王禕贈學士謚忠文先是建文初謚禕文節靖難後無稱焉浙江義烏縣丞劉傑以贈謚請從之

辛未科給事中鄒冕私忿毆從叔削籍又引赦求復謫戍邊命徙神木縣于平川

壬申增保德州判官專收偏頭關糧料

甲戌復下戶部尚書劉中敷右侍郎吳璽陳瑋于獄時瓦刺

貢駝馬 上問其數并芻秣若干不能對太監王振嗾 上

論死左侍郎王佐仍署部事 是月大風霾

丙子翰林學士李時勉為國子監祭酒

安徽壽州同知李亨秩滿留任食從五品俸

丁丑瓦剌使臣都督阿都赤卒于會同館殯祭

免開州內黃滑縣濬縣肥鄉成安永年等正統四年災租共


五萬二千四百九十八石有奇

已丑後李素江西贛縣食正六品俸

辛卯翰林院侍讀周叙上三事興學校勸農桑慎銓選 上

國權 正統六年

十四



命部議行之

十二月甲午免當塗蕪湖繁昌灾租一萬七千七百三十餘石
王驥等直搗賊巢山周三十里柵堅塹廣其東南依江壁立
以三千人探之賊象陣伏泥溝突起敗之賊又自永毛摩尼
寨至馬鞍山伺我後令都指揮方瑛以六千人攻拔人而右
叅將冉保從東路合木邦車馬里大侯之兵先後斬二千三
百九十餘級于是進攻麓川積薪焚其柵思任發挈妻子間
道渡江走益養焚溺數萬餘黨皆盡
丁酉廟祀平江侯陳瑄于江南之清江浦

癸卯山東右布政使王質為戶部右侍郎

復冀信河陽洛陽縣丞食七品俸

甲辰亦力把里等入貢

乙巳故新建伯李玉子英襲府軍前衛指揮使


丁未安定王亦班丹等入貢

王驥蔣貴平麓川班師

庚戌復李宗政鞏昌府通判食從五品俸

甲寅禁軍民私宰馬牛驢騾違者罪死謫其家于邊衛

庚申戶部左侍郎王佐為尚書通政司李暹為戶部左侍郎



仍提督各倉場

辛酉忽魯謨斯國王速魯檀土蘭沙入貢求通使禮部乞降
勅諭其安守從之

壬戌夜大星青白光自天廟流至近濁

是年巡撫工部侍郎周忱浚江南之吳淞江口

安南遣內密院副使阮田僉知內密院副使阮有光僉知陶

孟瑛入貢求冠服詔予皮弁服常服各一襲

癸亥山東改中江外王官谷文特古部領

國權

蓋官設遷孺木著

正統七年壬戌

正月甲子夜大星赤光自天宿流入天市

南京西安門火


乙丑江西右布政使焦弘為戶部右侍郎

己巳夜月犯畢宿

草陝西甘肅茶馬司仍布政使管糧官提督

癸酉夜月犯鬼宿

國權 正統七年



甲戌 上南郊夜大星赤光自東流至濁

戊寅勅大同總兵官武進伯朱冕叅將都指揮同知石亨曰
往者瓦剌貢使多五人今脫不花也先動遣千餘供億勞
費令都指揮陳友等勅諭瓦剌自後三百人為定如增至爾
第遵額入之餘先回或俟于猫庄

鎮守密雲都指揮僉事陳亨失事下獄戍威遠衛

山東東昌府通判傅寬上太極圖說以僻謬悖理斥之

己卯補給毛憐衛印都督同知李撒滿答失刺來朝云失印故

右軍左都督蘇火耳灰等卒


癸未命吏部左侍郎魏驥往順天永平通政司右叅議王錫
往鳳陽淮揚大理寺右少卿賀祖嗣往真定保定光祿寺丞
張如宗往河間順德大理寺左寺丞仰瞻往廣平大名督有
司預絕蝗種


停禪師領占刺麻三冊等口糧

都指揮僉事陳友指揮同知李全季鐸同瓦剌使臣往賜脫
脫不花可汗及也先書賞賚之

甲申潘府稷山王佶焞薨年三十三謚悼靖

建州衛都指揮僉事李滿住為都督僉事署印





丙戌推官王永壽為廣西道監察御史

丁亥復俞觀江南嘉定縣丞食正七品俸

巳丑琉球國中山王尚巴志薨子尚忠入貢

庚寅麓川寇平奉御蕭保為都知監左少監仍鎮守雲南召

鎮守右監丞曹吉祥還京

二月壬辰朔工科都給事中李倜為湖廣布政司右叅議賜勅

提督太學岳太和山宮觀

乙未貸蒲臺民黑豈

戊戌禮部右侍郎兼翰林院侍讀學士王英翰林院侍讀苗

衷主禮闈

庚子免江南蕭縣灾租六千八百八十餘石

夜大星赤光自天鈎流至閣道

壬寅令觀海定海臨山寧海四衛水師泊浙江定海縣之烈

港徼巡沈家門黃溪港海道

癸卯福建福州倉火燬糧二萬八千九百七十餘石

甲辰建州衛都指揮僉事李滿住為都督僉事

分建州左衛設右衛都督僉事董山九察皆為都督同知分

署左右衛事初建州左衛以難其亡印既更給而故印在詔

國權 正統七年

三

上更給者凡察匿不出遂析左衛分領之
丙午右都御史王文等劾吏部考察不公浙江右布政使石
執中按察司軒輓等二十人命執中等記罪罰俸吏部堂上
官宥之

廣西潯州叛徭藍受貳等怙亂至是千戶潘智誘執之伏誅
己酉右副都御史陳鑑鎮守陝西代王鞏
庚戌築大同西路玉林城去右衛五十里有險可據叅將都
指揮石亨請以護屯

辛亥直隸滄州知州上官儀奏飢民食草實乞停去歲所貸

倉粟從之

壬子脩會同館觀星臺

癸丑增各王府折米鈔每石各十貫

乙卯罷給大臣朔望酒饌著為令


壘書旌楚王李垸孝行王侍母鄧氏疾顛代累月不解帶

山西按察使徐永達卒永達河南歸德人教諭同官永

樂間拜翰林院編林侍皇太孫已遷右中允宣德初遷鴻臚

寺少卿以寺卿使安南諭降黎利拜湖廣按察使憂去起補

山西清嚴不擾日蔬食婦在故里自績劾巡按御史顏繼之



虐忤都御史陳智不能中也巡撫少卿于謙臨其喪解舍蕭索解金帶賻之

戊午誅南京尚膳監內使郭敬以尚膳監火也

庚申上發京師詣天壽山先是工部右侍郎張瑋除道

辛酉至天壽山

三月壬戌朔祭長陵獻陵景陵

甲子還京

乙丑徵國子監饌銀分給

辛未國子監祭酒李時勉上國學五事重歲貢嚴私假均撥

歷給醫藥毀怪刻從之

壬申占城入貢

進士豐慶為兵科給事中劉熾尚達為南京刑工科給事中

乙亥設雲南永平軍指揮使司

都指揮胡誌李昇等分守金齒蒙化等要害從王驥之請

丙子策貢士姚夔等百五十人于奉天殿賜劉儼呂原黃諫

等進士及第出身有差是科李森南昱俱吏鄭溫松陵駟丞


丁丑毛憐衛都督同知李撒滿答失里為右都督

復蔣文愷江南上海縣丞食正七品俸

國權

正統七年

五



壬午禮科給事中余忻行人劉遜往封尚忠琉球國中山王

監察御史吳瑜專理兩淮鹽課

右僉都御史金濂叅贊寧夏軍務代盧睿

昏刺大星赤光自東南流至近濁

癸丑前通政使右叅議權謹卒謹字仲常江南徐州人十歲

即喪父母李氏訓之孝友純至永樂初薦授江西樂安知縣

仁恕廉明冠最山東遷光祿寺署丞母喪廬墓三年有烏鳴

兔馴之異仁宗聞之召拜文華殿大學士侍東宮于南京

從臣俱獻道東宮卻之謹獨進孔門聖賢圖宣德初告老加

通政叅議致任雖文學非其所長其內行即古人亡媿也

何喬遠曰仁宗在位一年所用權謹出自簡在其于風勵

世教遠矣

戊子直隸遵化縣蝗命捕之


四月辛卯朔覈陝西邊糧借支不能償者免之從鎮之守右僉

都御史王翹之請

戶科給事中楊信民請自通州至南京沿途收銀鈔官如巡

按例歲代從之

壬辰諭河南山東兩畿輔蝗種



甲午以鎮守松潘都指揮僉事王杲高廣遣招粟谷等寨叛
蠻勅戒之

復范希正山東曹縣知縣李忠江西分宜縣丞吳瓊浙江樂
清主簿楊意南陵典史俱秩滿士民乞留各加品俸

免山西平陽去年田租六十五萬三千餘石

賑西安鞏昌涼州臨洮鳳翔慶陽旱飢

乙未武安侯鄭能卒

丙申夜大星青白光出自七公流入文昌後有一小星隨之


丁酉琉球中山王入貢

戊戌山西太原左衛卒張敬言頃者山西擒盜功非實比屬
雖詔朝廷然衆耳目不可塗也恐天下皆然宜御史廉其實
削其冒陞置于法都察院覆議縱之

己亥少師兼工部尚書吳中疾辭部事仍給食祿

壬寅鎮守洮州都督僉事李達致仕子璵為洮州衛指揮使
總督雲南軍務兵部尚書兼大理寺卿黃驥以臨安衛指揮
使萬城等勦韋郎羅克之郎羅走安南黎麟擒獻撫其衆四
千餘人

癸卯作宗人府吏戶禮兵工五部鴻臚寺欽天監太醫院于



大明門之東翰林院于長安門之最東

甲辰裁湖廣漢陽府同知通判知事檢校各一

丙午設南京京衛武學

丁未遣戶部左侍郎王質以羊酒途勞將貴王驥凱捷將士
悉給舟車餼廩

戊午增戶部主事五人分督京通等倉

復潘原清江西崇仁知縣丞食正七品俸

免山東濟南去年災租四十萬六千石

己未勅鎮守陝西右副都御史陳鑑兼督陝西歲運及河渠

提舉司并各倉廠收支芻粟

五月辛酉刑部左侍郎包德懷成威遠衛德懷初河南按察使

數通周王魏遺妾婢竊謀之至是妾婢一室忽縊者三人

事發下諸婦獄讞上當削籍上特宥之


壬戌勅朝鮮國王李禔毋納逋逃但漢人女直至即擒獻

刑科都給事中郭瑾為刑部左侍郎

癸亥山東布政司叅政沈固為戶部右侍郎

丁卯少師隆平侯張信卒信臨淮人父興永寧衛指揮僉事

信嗣紫江草塘功進都指揮僉事建文初調北平令伺燕邸




縛之信及通款累功封侯 太宗欲納其女為妃堅辭人以
此多之追封鄭國公謚恭僖

郭子章曰予過平越平越人言隆平侯張信母塚仙人張
三丰阡也閱通信志張信居家孝友蒞官忠勤好禮下士
為時所重隆平功未著而取侯如券信地靈乎既讀吾學
編震澤紀聞乃知隆平之母識 文皇帝于郎中貽子孫
以等土所謂女智非耶而豈專在于一杯土也

戊辰順天廣平大名河間鳳陽開封懷慶河南蝗命捕之
辛未南京增遮洋船三百五十艘航海轉餉薊州

壬申進西伯蔣貴為侯祿千五百石總督軍務兵部尚書 定
兼大理寺卿王驥靖遠伯祿千二百石右副總兵都督僉事
劉聚為左都督左叅將都指揮使宮聚右叅將都僉指揮僉
事安保俱為都督同知總督糧餉戶部左侍郎晞為兵部尚
尚書右僉都御史丁璿為右副都御史從征將士悉論功驥
拜爵舉朝請不預部政
癸酉錦衣衛帶俸都指揮使毛福壽湖廣都指揮使鄭通俱
為都督僉事

甲戌監察御史高峻提督浙江海道



都督同知李安下獄初安駐潞江護餉耻不與功聞賊屯高

黎貢山擅攻之不利賊躡我失都指揮趙斌等千八百人

乙亥北京行太僕寺卿李貴為刑部右侍郎兵部郎中侯璉

為禮部右侍郎刑部郎中楊寧為左侍郎俱從征麓川也

夜月食

戊寅立皇后錢氏

庚辰詔天下

辛巳倭二千餘人寇爵溪千戶所卻之尋陷大嵩千戶所

甲申叅贊寧夏軍務右僉都御史盧睿回院金灑往代

乙酉巡撫河南山西大理寺左少卿于謙請郡縣各設機兵

數十人捕盜從之

賑安徽巢縣飢

丙戌雲南總兵官都督同知沐昂為右都督

已丑都指揮使李信總督浙江海道備倭

夜大星犯右執法

是月榆社王鍾鉉進封晉王


六月庚寅朔錦衣衛千戶王山為指揮同知世襲王振之侄

復劉說江西瑞州知府食從三品俸

國權

正統七年

十



辛卯勅總督備倭都指揮使李信等徙水市居民築要害併城門禁闌出

復饒景春江西新建主簿沈斌鄱陽主簿俱食正八品祿

癸巳昏刻大星赤光自心宿流至濁

甲午夜大星青白光自天市西垣流右攝提

乙未松滋王貴珩薨年三十九謚安惠

壬寅起復 咸陽知縣王瑾

甲辰復張璟 平山知縣食正六品俸

壬子戶部右侍郎熊宏往浙江整飭備倭

茂名教諭傅璿乞傳保舉專責吏部精選如往例部覆御史知州闕傳保舉餘仍舊從之

丙辰貴州道監察御史馬謹為吏部驗封郎中時闕數年

少師兼工部尚書吳中卒中字思正山東武城人洪武中監

生授營州後屯衛經歷靖難迎駕歷右都御史肇建北京改

工部尚書歷刑部洪熙初進太子少保宣德初進少保累朝

山陵之勞然謫中貴輕民力黷于色貨寵妾數十各室具衣


帶隨服之嘗拜誥妻聽其終篇曰何無一庶子也年七十一

予祭塋追封莊平伯謚榮襄子賢廢工部主事

國權

正統七年

十一



七月乙未朔遣視山東濟南青州萊州江南松江揚州淮安徐

州江西南昌吉安袁州湖南辰州安徽鳳陽各等處水旱一

甲子禮部右侍郎侯璉往雲南叅贊軍務

乙丑右僉都御史金濂為右副都御史仍叅贊寧夏軍務

丙寅賑陝西饑免逋租蠲戶口鹽鈔贖粥子

戊辰福建按察僉事李在修筮斃八人被劾特戍邊

庚午工部虞衡司主事吳賢訟其父尚書中功乞武職改賢

錦衣衛帶俸百戶世秩

癸酉召商陝西中鹽淮引米粟一石二斗浙引一石長蘆引

六斗

戊寅工部左侍郎王忬為尚書

哈密思順王倒瓦荅失里奏瓦剌太師也先為弟娶其女詔

任之

庚辰夜月犯畢宿

壬午裁直隸保定府撫民通判

免江南淮安田租九萬餘石


木邦宣慰使罕蓋法合南甸千崖等兵攻逆黨思机法兄弟

沐昂以聞

國權

正統七年

十二



癸未山東夏麥俱折布鈔

甲申選官旂等善騎射者六百十一人都督再保都督僉事

毛福壽率往雲南勦寇 夜大星青白光自天梧流貫索

乙酉吉慶周紀張魁蔣誠孫慶程勉李璿等俱為監察御史

八月己丑監察御史趙全等清軍京省

四川董卜韓胡宣慰使克羅俄監掣乞封王爵不許

廣西泗城州土官岑豹與利州土官岑顏仇殺命諭解之庚寅

乙未復孫昇江西宜春縣丞食正七品俸

辛丑蘇常松江杭湖嘉興糧長每歲一更從御史柳華之請

壬寅兵部尚書靖遠伯王驥往雲南總督軍務仍給金牌印

符便宜行事時思任發未就俘再保毛福壽為左右叅將

右僉都御史曹翼叅贊甘肅軍務代程富

己酉江西按察副使石璞為山西右布政使


辛亥以河州黑城廠地賜大慈法王釋迦也失立弘化寺

癸丑賜大學士楊士奇楊溥三代誥命故事九年考滿始給

上重二相特給士奇言伯祖公辰所出繼並贈如制

乙卯赤斤蒙古衛都督僉事且旺失加都指揮僉事草古者

可免郎懼瓦剌侵掠求內徙肅州白城山勅止之



九月戊午朔湖廣叅將都指揮僉事張善總督守備湖廣貴州
都指揮同知郭瑛克叅將總督守備貴州召總兵吳亮還京
昏刻金火星相犯于氏宿

壬戌 知縣陳員韜為山西道監察御史

覈揚池松江淮安武昌黃岳常德衡荆會稽臨海天台水旱

乙丑雲南都司瀾滄衛軍民指揮使司

北勝州改隸雲南布政司

丙寅誅都指揮僉事李貴指揮沈容千戶劉濟以倭陷大嵩也

丁卯永平薊州山海關總兵官都督同知王或等言兀良哈

三衛假射獵犯邊乞勦之不許

都指揮僉事紀廣克右叅將協守宣府都指揮同知胡源克

左叅將協守開原都指揮劉端克右叅將協守遼東都指揮

僉事王榮克右叅將協守寧夏都指揮同知宗勝克右將叅

協守薊州永平山海都督僉事楊洪克左叅將守獨石永寧


庚午封代府遜燦隰川王秦府公銘臨潼王公鏜邵陽王

定興民人訴知縣張彝被誣法司請按其實 上竟宥之

甲戌耀州進嘉禾三百餘本禮部稱賀止之

丁丑前戶部右侍郎吳璽陳瑞罪當死宥之戌威遠衛

戊寅命河北民採薪輸易州柴廠免平陽之役俾專農事



庚辰勅瓦剌使臣卯失刺字端等前諭爾少遣人來亦勅大
同總兵官鎮守兀來使定數外餘留貓兒庄今聞來人仍多
念天寒邊遠特俱縱爾等來朝和好之道貴以至誠况遣人
動以千計寧無越分違理者乎爾等宜戒約從人庶保和好
勅大同總兵官武進伯朱冕叅將都指揮同知石亨酌待毋
啟戒心時來使二千三百餘人
辛巳陝西都指揮同知汪壽世土官守羣昌六衛前調西安
土人乞復舊從之
浙江寧波人鄭道堅等殺倭功各賞布一鈔五百貫

壬午免山東青州萊州迤民夏稅秋租

十月己丑遼府麻陽王貴燠薨年二十六謚悼僖

庚寅 太皇太后不豫禱于太廟

定遠衛指揮使陳守鎮州通州


壬辰兀良哈糾女直野人千餘人自毡帽山犯廣寧前屯等衛

癸巳兵部尚書鄧浩為南京太僕寺少卿仍督江南白糧

勅四川三司番僧入貢多土人邊人冒隨今審實赴京多不

過三五人回日帶茶人止二百斤

甲午初瓦剌密令女直誘脅朝鮮國王李禔拒之以聞勅賜



移幣至是遣崔士康等表謝

乙未逮監察御史胡宗下獄初南京戶部主事張溥監鳳陽糧儲忤管糧右副都御史周銓相訐俱不問銓囑鑑宗劾之溥下獄訐枉刑部言銓等罪上置銓俟獄具


丙申復劉炫山東日照知縣食從六品俸行人司行人尚褫上二事大臣位任去天子不遠者也古者黜劓不及大夫今或被言官彈劾或罹旗校緝訪露頂跣足束縛奔命若繫囚然事實尚可稍涉虛妄行當復職則今日衣冠之卿執即昔日窘辱之囚拘非所以重體也請自今有

犯者命錦衣衛官召至午門勅諸大臣以禮會問踪跡可驗疏上輕重如其無端即奏復職又旗校緝事未必悉寔有為他人報仇或以自泄私忿倒置是非誣陷平民請今不實所緝者量罪輕重以半坐之下刑部集議褫言可採而律例無文上命旗校察不實者坐罪

戊戌許夙刺後使百餘人入朝大同總兵官朱冕以請念遠至納之是月增各道御史十一人

復嚴瓊江西萬安知縣瓊屢被薦同知費斌因入朝以

闕兄黜瓊訐枉上以石璞趙新之薦留之



已亥 太皇太后疾久思見襄王鄭王荆王淮王遣內官以
勅符召之

庚子戶部主事劉湛總督懷來隆慶運糧

壬寅復楊節四川叙州府推官食正六品俸

乙巳 太皇太后崩遺詔曰吾自洪武中配 仁宗皇帝三

十餘年為未亡人十八年今命止此得全歸以後 先帝于

地下足矣唯國家重事存沒在念 皇帝聰明孝敬爾內外

文武群臣宜盡誠輔導庶几克濟吾素無德身沒之後喪服

悉遵 仁宗皇帝遺詔 皇帝成服三日後即聽政后永城

人彭城伯張麒女始為太子妃操女行甚謹手庖爨供 太

宗帝后微 后當太宗意子太几廢既為后中外政事群臣

才品莫不周知 上即位二年太監王振干寵 太后御便

殿召張輔楊士奇楊榮楊溥胡濙等入女官左右侍雜佩刀


劍 上東立輔等立西下 太后顧 上曰此五臣 先皇

所簡 皇帝必與計頃召振振至 太后改色曰汝律 皇

帝不律多賜汝死女官刃加頸 上跪請五臣皆跪 太后

曰此輩自古多悞人國 皇帝幼烏知之且以 皇帝故寬


汝毋再也振為少戢事見餘冬叙錄



王世貞曰攷史正統中絕不載 太后召見諸大臣事以
太后召見大臣于朝廷為盛事于諸公為盛遇責教王振
為盛德楊文敏行實與聖諭錄何故佚之史于 太后之
聖政王振之蠹國蓋媿 焉何所諱而不書意者何文簡
驟聞前輩喜而筆之不知其悞也
何喬遠曰內宮之位本朝家法為正 孝陵長陵不立繼
后 獻陵至康陵皆以一后終其他用子為天子稱太后
矣 張太后當 宣英之際可以預政而不預政視漢唐
女主何如哉

設遷曰 昭聖紹 高文二后之盛于 獻陵則邑姜也
于景陵則太任也至裕陵負宸嚴外戚之預政裁凶閹之
竊權社稷賴以宴如而勢不為鄧席不向高受茲介福于
其王母誠 昭聖之謂也世傳太漸時召楊士奇楊榮楊
溥榻前問國事未辨者士奇云建庶人立四歲雖已亡當
脩其實錄一弛建文方孝孺諸臣遺書之禁 后默然竟
不見諸遺詔按楊榮先卒此蓋倣宋之宣仁而悞者也
丁未夜大星赤光自中台流至濁

辛亥夜二大星青白光照地一自文昌流至近濁一自上台



流至近濁

乙卯裁湖廣各郡撫民府

復屈義直隸清苑知縣義被誣下刑部獄士民稱枉得雪

丙辰福建泉州知府尹宏卒宏山東歷城人貢士善撫字禱

旱而雨民被其惠留葬郡城東祠祭不絕

夜天鳴

十一月丁巳朔夜天鳴

戊午祀武城王太公望于後軍都督府

夜天鳴又大星赤光自翼宿流至司空

乙未夜天鳴

庚申上孝誠恭肅明德弘仁順天啟聖昭皇后尊謚初命太

后甚禮廢后胡氏及祭奠時廢后不敢同孫后自列名妃嬪

中慟甚

辛酉給甘肅成卒布棉花

旦天鳴夜大星青白光自天苑流天關

壬戌作刑部都察院大理寺于宣武街西詹事府于玉河左


祭丑頒謚詔

瓦刺遣使二千三百二人貢馬二千五百三十七匹

國權

正統七年

九



工部右侍郎楊青卒

乙丑哈者衛都指揮使刺哈為都督僉事

右僉都御史翱王提督遼東軍務時東鎮屢失事翱至鎮守

將旅謁詰玩寇故將斬之哀懇乃釋繕烽選銳謂邊人不當

用常法量罪贖粟遠左稍安

己巳增湖廣布政使右叅政柴璉按察使副使陳質等專督

屯種

江西泰和人奏大學士楊士奇子稷不法事士奇待罪命逮

稷至京連及三百餘人

庚午山東萊州推官牛宣為山東道監察御史

辛未復傅貞安徽定遠知縣貞憂去繼非其人邑民乞貞適

服闋因復其任食正六品俸

壬申夜月食在井

己卯免山西平陽去年夏稅十一萬七千六百三十餘石

壬午命章官保梁貴使瓦剌自元年來康能陳友已凡六使


故休之

甲申復劉恕山東武城知縣食從六品俸

監察御史時紀使陝西枉道還里脅直隸長垣縣民女為妾

國權 正統七年

二十



下之獄諭法司錦衣衛今後慎選

錦衣衛指揮僉事王瑛上八事禦邊莫善于燒荒使胡馬無
水草可恃積糧莫善于屯田使入貢非禮凶虐令其酋長
自責罰邊卒演武果才勇特出量加賞賚備倭戰船私販鹽
捕魚採薪致失備監察御史時加巡視沿海衛所軍士或乞
摘運糧或屯田百里外不及調乞沿海軍士免運屯軍附郭
軍官多成貧役富宜才幹武臣提督脩城實伍法令歸一海
上盈甲器械有損壞將在官贖緩脩理上頗採之
是月安南國王黎麟死子濬嗣遣陪臣阮廷歷來告哀黎傳

來請封濬一名基隆僭號太和

十二月戊子嘔罕河衛都督僉事乃勝卒


己丑瓜哇占城入貢

禮部尚書胡濙言山東左叅政沈固右叅政劉璉並以中外
官舍軍民戴帽穿衣語言跽拜尖頂充袖垂纓挿翎輒效胡
俗請令都察院嚴榜戒治從之

壬辰免濟南青州登州萊州田租

乙未起復晉府右長史陳瓊從晉王鍾鉉之請

己亥夜月犯井宿



辛丑白虹貫日

癸卯祔 太皇太后主太廟

乙巳襄王瞻塔入朝 是月安南國入貢


免戶部尚書劉中敷官先下獄訴母老放歸終喪來受罪至是宥之

丁未夜大星青白光自大陵流六諸侯

戊申江南揚州推官張海為河南道監察御史湖廣都司斷事黃英為陝西道監察御史

兀良哈賊字台盜邊獲之會三衛來朝僂示之

庚戌翰林院編修徐瑄上五事曰治兵宜歲九月京營兵巡邊分三路一自宣府抵赤城獨石一自大同抵萬全一自山海抵遼東各出差三五百里燒荒冬出春歸曰延安綏德至寧夏甘肅地數千里有警難援乞遣科道集民丁五人以上取一為兵免糧役每郡立一營遇調支餉曰今將官槩舉有指揮即陞都指揮都指揮即陞都督僉事曾無寸功遽登重任宜從公察舉隨各總兵官領分兵果才能立功陞秩曰汰京營老弱令歸衛所壯丁補隊邊兵亦如之曰唐有軍謀之科宋有武舉之選乞兵部檄天下軍衛有司訪謀勇之士不



限南北不拘額選至京問攻守之策試騎射合格二餉二石
隸京營聽遣 上議行之

辛亥浙江麗水盜陳善恭青田盜葉宗留合二千人盜掠福
建之寶峰場銀冶命浙江福建官兵捕之

甲寅琉球中山王入貢

丙辰蘇州知府况鍾卒鍾字伯律靖安人自學吏給事禮部
尚書呂震薦授儀制主事進郎中宣德五年守蘇州首斥經
歷傅得等數人盡剷宿弊公正廉能民甚感之憂去起復奏
蠲重額糧七十餘萬石開枉戍千八百餘戶綜理周密出納

徭役皆籍記而細提甚省見豪吏強梗立斃之遇細民寒士
厚甚秩滿食三品祿及卒巷哭立祠同鍾出守松江趙豫常
州莫愚杭州馬儀吉安陳本深西安羅以禮其治皆相伯仲
而豫尤和易近民時稱鍾能吏豫良吏云

林之盛曰世之論守令者輒尚慈和不貴強幹吾以為慈
而惠奸何取于慈強而詰暴無病于強僑作刑書稱為衆
母威所以為惠也從來遠矣况公之治蘇剪厥巨奸民用
以和正刑期無刑之理乎乃好語鸞鳳而令豪右食人甚
者沒其賄而傳之翼亦足吃矣

